



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի  
օգնականների դասավանդման հմտությունների զարգացման  
ապահովում» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ « ՀՀ Գեղարքունիքի մարզի Սևանի Յա.  
Զարոբյանի անվան N2 հիմնական դպրոց » ՊՈԱԿ

Առարկա՝ Պատմություն

Թեմա՝ « Սովորողների մեջ արժեքային համակարգի  
ձևավորումը պատմություն առարկայի դասավանդման  
ընթացքում»

Վերապատրաստող, մենթոր՝ Արմենուհի Մելքոնյան

Ուսուցիչ՝ Լուսինե Ղարիբյան

## Բովանդակություն

1. Ներածություն	2
2. Սովորողների մեջ արժեքային համակարգի ձևավորումը պատմության դասավանդման ընթացքում	5
3. Պատմության կրթական ներուժը	11
4. Եզրակացություն	18
5. Օգտագործված գրականության ցանկ	21

## Ներածություն

Կրթությունն անհատի, հասարակության և պետության շահերից բխող ուսուցման և դաստիարակության միասնական գործընթաց է, որը նպատակաուղղված է ժողովրդի և մարդկության հոգևոր ժառանգությանը, գիտելիքներն ու փորձը յուրացնելուն, պահպանելուն, հարստացնելուն և սերունդներին փոխանցելու:

Հասլաստանի Հանրապետությունում կրթությունը երկրի զարգացման ու հզորացման, ազգային անվտանգության ապահովման կարևոր գործոն ու երաշխիք է:

Հանրակրթության գլխավոր նպատակը երեխաների, սովորողների մտավոր, հոգևոր, ֆիզիկական ու սոցիալական ունակությունների համակողմանի ու ներդաշնակ զարգացումն է, նրանց պատշաճ վարքի և վարվելակերպի ձևավորումը:

«Պատմության» ուսումնական բազավառն ընդգրկում է մարդկության պատմությունը, ներկան և զարգացման հեռանկարները, մարդու՝ որպես անձի և քաղաքացու, նկարագիրը և սոցիալական փորձը, հասարակության կյանքի քաղաքական, տնտեսական, սոցիալական և հոգևոր-մշակութային ոլորտները:

Ուսումնական բնագավառի հիմնական նպատակն է սովորողին ամբողջական գիտելիքներ տալ մարդու և հասարակության մասին, ձևավորել ու զարգացնել նրա ճանաչողական, սոցիալական և անհատական կարողություններն ու հմտությունները, դաստիարակել ազգային ու համամարդկային արժեքներ կրող սոցիալապես ակտիվ անձ և քաղաքացի, բացահայտել նրա անձնային որակները և ապահովել սեփական ներուժին համապատասխան ուսումնական, աշխատանքային և գործունեության այլ տեսակների մեջ մասնակցությունը, ամրապնդել սովորողի հարգանքն ու հպարտությունը հայրենիքի, սեփական ժողովրդի պատմության, ավանդույթների և ազգային առանձնահատկությունների հանդեպ: Այն օգնում է սովորողին ճանաչել ինքն իրեն, ժամանակակից աշխարհը, կողմնորոշվել հասարակական բազմաբնույթ հարաբերություններում,

ամբողջական պատկերացում ունենալ Հայաստանի քաղաքական, տնտեսական, սոցիալական և հոգևոր-մշակութային զարգացման հեռանկարների վերաբերյալ:

Հանրակրթության նպատակների և կրթական բարեփոխումների խնդիրների տեսանկյունից կարևոր են այն հիմնադրությունները, որոնք կողմնորոշիչ դեր կունենան կրթության բովանդակության մեջ պատմության դերն ու գործառույթները որոշելու և կրթության կազմակերպմանն անհրաժեշտ նյութերը մշակելու համար: Այդ առումով ելակետային նշանակություն ունի պատմության կրթական ներուժի բացահայտումը՝ Կրթակարգում ամփոփված գաղափարների տեսանկյունից, ինչպես նաև դրանց հիման վրա պատմության կրթական հիմնախնդիրների հստակեցումն ու լուծման եղանակների ուրվագծումը:

Ժամանակակից աշխարհում ամենուրեք կարևորվում է կրթական գործընթացի հումանիզացման պահանջը, քանի որ նեղ մասնագիտական կրթության գերիշխանության պայմաններում առաջանում են մասնագիտական հմտություններ, որոնց ներկայացուցիչները միմյանց հետ հաղորդակցվելու ընդհանուր հումանիտար հիմքից զուրկ լինելու պատճառով որպես կանոն, բախվում են: Կրթության մեջ տեխնիկական միջոցների ներդրման հարաճուն միտումներին դրականապես հակազդելու և ժամանակակից աշխարհում ի հայտ եկած մի շարք համընդհանուր հիմնախնդիրներ լուծելու տեսանկյունից ավելի ու ավելի է կարևորվում պատմություն ուսանելու անհրաժեշտությունը հանրակրթական դպրոցում:

«Արժեհամակարգ» հասկացությունը մանկավարժական գիտության մեջ ըմբռնվում է բավական լայն շառավիղով: Առավել ընդունված է այն ընկալումը, որ արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համախումբն է, որն անհրաժեշտ է անձի ներդաշնակ, բազմակողմանի ձևավորման և զարգացման համար: Արժեքների թվարկված համախմբերից որևէ մեկին գերապատվություն տալը կնշանակեր ոչ մանկավարժական մոտեցում խնդրին.

Արժեհամակարգը լիակատար է և համեմատաբար ավարտուն բոլոր ներառված համախմբերի ներդաշնակ փոխլրացման պայմաններում: Արժեհամակարգի

ձևավորման և նրա հարաբերական կայունության ապահովման համար հանրակրթության բնագավառում կարևոր և անփոխարինելի նշանակություն ունեն բոլոր ուսումնական առարկաները, որոնց թվում, այնուամենայնիվ, արժեքների ձևավորման առումով չափազանց մեծ է հումանիտար ոլորտի ուսումնական առարկաների դերը:

### **ԹԵՄԱՅԻ ԱՐԴԻԱԿԱՆՈՒԹՅՈՒՆԸ**

Մեր ուսումնասիրությունը արդիական նշանակություն ունի, քանի որ պատմության դասընթացի ընթացքում գրականության միջոցով միջառարկայական կապերի ստեղծմանը, ինչը ոչ միայն համապատասխան գիտելիքներ է տալիս, հայոց պատմություն առարկայից, այլև աշակերտների մեջ արմատավորում է ազգային մտածողություն, միջառարկայական կապերի կիրառմամբ՝ պատմական կարևոր իրողությունների իմացություն, ազգային արժեքների գնահատում և այլն, ինչը կարևոր է աշխարհաքաղաքական բարդ օրեր բովանդակող ժամանակներում:

### **ՈՒՍՈՒՄՆԱՍԻՐՈՒԹՅԱՆ ՆՊԱՏԱԿԸ**

Մեր ուսումնասիրության նպատակն է խթանել գեղարվեստական գրականության օգտագործումը հայոց պատմության դասընթացում: Չարգացնել հանրակրթական դպրոցներում արժեքային համակարգի ձևավորումը աշակերտների մոտ :

Այդ նպատակների իրականացումը ենթադրում է կոնկրետ խնդիրների լուծում , որոնք էլ ապահովում են աշխատանքի լիարժեք կատարումը:

### **ՈՒՍՈՒՄՆԱՍԻՐՈՒԹՅԱՆ ԽՆԴԻՐՆԵՐԸ**

ՈՒսումնասիրության նպատակից բխում են հետևյալ խնդիրները.

ա.բացահայտել հայոց պատմության դասընթացի առանձնահատկությունները,

բ.սահմանել միջառարկայական կապերի դերը ուսումնական գործընթացում,

գ.դասի օրինակով բացահայտել գեղարվեստական գրականության կիրառման առանձնահատկությունները հայոց պատմության գործընթացում:

## **Սովորողների մեջ արժեքային համակարգի ձևավորումը պատմության դասավանդման ընթացքում**

Հաշվի առնելով այն հանգամանքը, որ կրթական համակարգը ներկայումս գտնվում է անընդհատ փոփոխությունների փուլում, պատմության դասավանդման ռազմավարական խնդիրների շարքում պետք է դիտարկվեն հետևյալները.

1. Արդի աշխարհում բազմակարծության ընդունմամբ հանդերձ՝ մրցակցող գաղափարախոսություններից հայոց մտածելակերպի համար առավել ընդունելի աշխարհայացքային կողմնորոշիչների մշակում: Այդ կողմնորոշիչների հիման վրա հայոց արժեհամակարգի սովորողների համար հասկանալի ձևակերպում, միաժամանակ հաշվի առնելով համամարդկային լավագույն արժեքներն ու մարդասիրական աշխարհայացքը: Կարևոր է , որպեսզի դպրոցական հումանիտար կրթության բովանդակությունը ուղղված լինի հայրենասիրության, քաղաքացիության դաստիարակմանը, հայոց ազգային ինքնագիտակցության բարձրացմանն ու հայոց և համաշխարհային մշակութային արժեքների գնահատմանն ու պահպանմանը:

2. Դպրոցում պատմության դասավանդման նոր կառուցվածքի ստեղծում, որը հնարավորություն կտա ապահովել ուսուցման ազգային հիմքը՝ սովորողի մեջ ձևավորելով մարդու և հասարակության մասին գիտելիքների ամբողջական համակարգը: Ընդ որում, այդ գիտելիքների համակարգը կրթության յուրաքանչյուր փուլում կունենա իր յուրահատուկությունները՝ ելնելով սովորողի շահերից:

3. Տեսական դրույթների զուգադրում սովորողների գործնական աշխատանքների և, ընդհանրապես, առօրյա կյանքի հետ: Այդ առումով կարևոր է , որպեսզի պատմության ուսուցումը դառնա ուսուցում բնության մեջ, գործարար կազմակերպություններում, թանգարաններում, այլուր: Դպրոցն ինքը պետք է դառնա ժողովրդավարության մոդել, որպեսզի պատմական գիտելիքի և առկա իրական մարդկային հարաբերությունների միջև անջրպետ չառաջանա:

Պատմության ուսուցման ժամանակ պետք է արծարծվի նաև հասարակական հարաբերությունների իդեալի խնդիրը և աշակերտը պետք է ընկալի իդեալների իրականանալի լինելը և հետամուտ լինի դրանց իրագործմանը: Քանի որ այսօր Հայաստանում դեռևս ձևավորված չէ քաղաքացիական հասարակությունը, ցածր են մարդկանց իրավական գիտակցությունն ու քաղաքական մշակույթը, սովորողները պետք է պատմության ուսումնառության ընթացքում գիտակցեն իրենց դերը ապագա քաղաքացիական հասարակության ձևավորման գործում: Պատմության ուսուցումը պետք է արժևորի անհատների ու խմբերի ներդրումը ժողովրդավարության հաստատման գործընթացում:

4. Հոգևոր առումով նկատելի որոշակի անկայունության և անորոշության պայմաններում պատմական կրթությունը պետք է հնարավորություն տա նոր սերնդի մարդուն ի վիճակի լինել ընտրություն կատարելու իրեն առաջարկվող աշխարհայացքների, կենսակերպերի հորձանուտում, պետք է սովորողի մեջ զարգացնի խաղաղության մշակույթ՝ պահպանելով, սակայն, ազգային արժեքների համար պայքարելու ոգին ու պատրաստակամությունը:

Արժեհամակարգի մեջ կուտակված է անցյալի փորձը , որի յուրացումը աշակերտների մեջ ձևավորում է հայրենասիրության , սեփական ժողովրդի պատմության , նրա ստեղծած մշակութային արժեքների , գիտական նվաճումների համար հպարտության զգացում : Իսկ ակտիվ ճանաչողական գործունեության պայմաններում ձևավորված գիտելիքները աշակերտների մոտ վերածվում են համոզմունքների և կարողությունների :

Վերջին տարիներին աճել է անձի արժեհամակարգի նկատմամբ գիտական հետաքրքրությունը տարբեր բնագավառներում, ինչը պայմանավորված է տարաբնույթ տեղական ու համաշխարհային գործընթացներով: Խոսքը վերաբերում է հասարակության կենսագործունեության ոլորտներում համընդհանրացմամբ պայմանավորված զարգացումներին, որոնք հանգեցնում են ազգային սոցիալական և մշակութային համակարգերի ձևախախտմանը, ներքին հասարակական խնդիրներին, ինչպես նաև տարբեր տեղեկութային ներգործություններին, որոնք հանգեցնում են միևնույն հասարակության ներսում

անհամաչափ և տարամետ զարգացումների: Ներկայում անձի արժեհամակարգի ձևավորման վրա ազդող գործոնների ուսումնասիրությունը կարևորվում է հոգեբանական պատերազմի ներգործության բացասական հետևանքները կանխատեսելու և կանխելու տեսանկյունից:

Անձնային առանձնահատկությունների և արժեհամակարգի փոխալայմանավորվածության վերլուծության արդյունքում բացահայտվել են համահարաբերակցային կապեր կյանքի նպատակների, կյանքի հուզական հագեցվածության, կյանքի արդյունավետության, ազատության, պատասխանատվության, անհատականության, էքզիստենցիալության ցուցանիշների միջև: Այս կապերի առկայությունը հնարավորություն է ընձեռում եզրակացնելու, որ անձի արժեհամակարգի ձևախախտման հնարավորությունը նվազում է , եթե հստակ են կյանքի նպատակները և կյանքի իմաստավորվածության գիտակցումը:

Աշակերտի արժեքների ձևավորման վրա ազդող մյուս գործոնը տարիքայինն է, երբ սովորողի արժեքային կողմնորոշումները, արժեքային նախապատվությունները, վարքն ու բարոյահոգեբանական գծերը դրսևորվում են՝ ըստ տարիքային և կազմաբնախոսական առանձնահատկությունների: Արտաքուստ արժեհամակարգային դաստիարակության առանցքը դրսևորվում է աշակերտի վարքի ու շփման հարաբերությունների որոշակի մակարդակում՝ խոսքում, արտաքին տեսքում, ազատ ժամանակն անցկացնելու ձևում, ապրելակերպում և այլն: Տարիքային դաստիարակությանը բնորոշ են հակումը դեպի մշակույթի որոշակի շերտերը, կենցաղին բնորոշ արժեքների որոշակի աստիճանակարգությունը: Սակայն այստեղ ամենակարևորը մանկավարժների կողմից «աշակերտների մեջ կյանքի նկատմամբ դրական վերաբերմունքի, ապրած յուրաքանչյուր օրվա համար ուրախության զգացում ապրելու ունակության ձևավորումն է» [3, 64]: Սովորողի անձի արժեքների ձևավորման վրա ազդող մյուս գործոնը մի- – 398 – ջանձնային հարաբերություններն են կամ իրենց համար հեղինակավոր, երևելի մարդկանց հետ շփումները (ծնողներ, ուսուցիչներ, մեծահասակներ, ընկերներ և այլն): Բնական է, որ այդ հեղինակավոր անձինք կարող են լինել նաև աշակերտի վրա ներգործող



հասարակական այս կամ այն կազմակերպությունների անդամները, դպրոցի տնօրենը, դասղեկը, ուսուցիչը և այլն: Աշակերտը նրանցից կարող է ստանալ արժեքների վերաբերյալ ինչպես դրական մոդելներ, այդպես նաև բացասական: Ընդամին՝ բացասական մոդելները հակում ունեն ձևավորվելու ավելի արագ և անդառնալի բացասական ազդեցություն կարող են ունենալ սովորողի անձի արժեքային ճիշտ դաստիարակության վրա: Հետևաբար արժեքների դաստիարակության այս բնագավառը պահանջում է մանկավարժական խստագույն վերահսկողություն և ըստ հարկի՝ նաև միջամտություն: Աշակերտի արժեքների ձևավորման խնդիրները բնականաբար լուծվում են ոչ միայն ընտանիքում, այլ նաև ուսումնական հաստատություններում՝ ուսումնադաստիարակչական գործընթացի միջոցով: Ուսուցման դաստիարակչական ներգործությունը օբյեկտիվ օրինաչափություն է, որովհետև աշակերտների համար ուսուցումը գործունեության հիմնական տեսակն է, դրա համար էլ այն կարևոր դեր է կատարում նրանց անձի ձևավորման գործում: Ուսուցման գործընթացի դաստիարակչական ներգործության հարուստ աղբյուր է բուն գործընթացի բովանդակությունը, որովհետև ընտրելով դաստիարակչական առումով հիմնական գաղափարները, օրենքները և հասկացությունները՝ ուսուցիչը հնարավորություն է ստանում առարկայական ծրագրերի բովանդակության յուրացման միջոցով աշակերտների մեջ սերմանել քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Կրթության բովանդակության հետ միասին ուսուցման մեթոդները ներգործում են աշակերտների ճանաչողական ունակությունների վրա՝ նրանց հնարավորություն տալով ստացած գիտելիքները կյանքում օգտագործելու ըստ նպատակի: Սովորողների անձի արժեքների ձևավորման առումով հանրակրթության մեջ ուրույն նշանակություն ունեն ուսուցանվող օտար լեզուները, մասնավորապես՝ նկատի ունենք ռուսաց լեզուն, որով ստեղծված համաշխարհային նշանակության գրական կոթողներն ունեն սերունդ կրթելու և մարդկային հատկանիշներով նրանց դաստիարակելու հսկայական ներուժ: Ահա թե ինչու հանրակրթական դպրոցում ռուսաց լեզվի և գրականության դասավանդումը դուրս է գալիս սոսկ օտար լեզու և օտար մշակույթ ուսուցանելու նեղ շրջանակից և վերածվում է սովորողների գեղագիտական, բարոյական, հոգևոր արժեհամակարգը

ձևավորելու մի միջոցի, որի դերը չպետք է թերագնահատել: Ռուսաց լեզվի անհամբերի հարստությունները փռելով սովորողների առջև՝ անուղղակիորեն նրանց դաստիարակում ենք այլոց հոգևոր արժեքները ճանաչելու և գնահատելու բարոյական պատրաստակամությամբ, իսկ ռուս գրականության մարգարիտները հարստացնում են սովորողների հոգևոր պաշարները և հղկում գեղագիտական ճաշակը, ինչը էական նշանակություն ունի նրանց արժեհամակարգի լիարժեքության և – 399 – ընդգրկունության առումով: Իբրև ռուսաց լեզվի և գրականության ուսուցչուհի՝ սեփական փորձով կարող ենք հավաստել, որ աշակերտի արժեհամակարգը պետք է ձևավորել ներդաշնակության սկզբունքով, որում իր ուրույն տեղը պետք է ունենա հնարավորինս սերտ հաղորդակցումը օտար մշակույթին և լեզվին՝ որպես մշակույթի մի տարատեսակի: Արժեքների բուրգի գագաթին գտնվող նվիրական ու մեծագույն արժեքի՝ հայրենասիրության զգացումը դաստիարակելու համար ռուս գրականության դասընթացը բազմաթիվ հիանալի հնարավորություններ է ընձեռում: Կարելի է, դիցուք, հիշատակել Լև Տոլստոյի «Պատերազմ և խաղաղություն» էպոպեայի ուսուցումը, որն իրականացվում է այն գերագույն նպատակադրումով, որ նրանով կարելի է ոչ միայն ռուս, այլև ցանկացած այլազգի դպրոցականի հոգում վառել հայրենասիրության կրակը՝ վեպի հերոսների, նրանց գործողությունների, անձնագոհության ու հայրենանվիրության բացահայտումներով: Հայրենասիրությունն այն մեծագույն արժեքն է, որ հարգանք ու պատկառանք է հարուցում, նույնիսկ երբ դրսևորվում է հակառակորդի կամ թշնամու մոտ: Ի դեպ, յուրաքանչյուր ուսուցիչ ունի որոշակի հեղինակ կամ ստեղծագործություն, որը նրան ամենադյուրին կերպով է օգնում իր մանկավարժական խնդիրները լուծելու, տվյալ դեպքում՝ հայրենասիրության բարձրագույն արժեքը սաների հոգիներում սերմանելու համար: Մեզ համար դա տարիներ ի վեր եղել և մնում է համաշխարհային գրականության այդ հսկայի՝ Լ. Տոլստոյի վերոնշյալ ստեղծագործությունը: Ուսուցչի քաղաքացիական դիրքորոշումը, ձգտումը՝ դաստիարակել բարձր արժեքներ կրող քաղաքացիներ, նրա մտահորիզոնը, հասարակական լայնախոհությունը, սերը երեխաների նկատմամբ ուսումնական գործընթացի արժեքային դաստիարակչական ներգործության բարձրացման կարևոր պայմաններից են: Ընդ որում՝ դաստիարակչական խնդիրների լուծումը

պայմանավորված է նաև նրանով, որ ուսուցիչը համագործակցային փոխհարաբերությունների միջոցով նախատեսում է աշակերտների ոչ միայն մտավոր, այլև բարոյական, գեղագիտական ու ֆիզիկական դաստիարակության խնդիրների նկատմամբ համակողմանի մոտեցում:

<<Պատմություն>> առարկայի նպատակն է ձևավորել հիմնարար արժեքներ կրող, հուզական հասունություն դրսևորող, կշռադատող, մարդու և հասարակության հիմնահարցերը գիտականորեն ընկալող, հետազոտող և մեկնաբանող, ճանաչողական, սոցիալական և անհատական կարողությունների ու հմտությունների տիրապետող, ազգային և համամարդկային հիմնախնդիրներին իրազեկ, ազգային ու համամարդկային արժեքներ կրող, ժողովրդավարական և կայուն զարգացման արժեհամակարգով առաջնորդվող, սոցիալապես ակտիվ և պատասխանատու քաղաքացի:

### **Պատմության կրթական ներուժը**

Հայաստանի Հանրապետությունում տեղի ունեցող ժողովրդավարական գործընթացները պահանջում են քաղաքացիական այնպիսի որակների դաստիարակում, ինչպիսիք են սեփական իրավունքների ու պարտականությունների գիտակցումն ու իրականացումը, դրական մասնակցությունն ու առաջնորդությունը, հասարակության իդեալներին հասու լինելու և դրանց համար պայքարելու կարողությունն ու ցանկությունը և այլն: Ժողովրդավարական հասարակության քաղաքացիներն իրենք պետք է լինեն սեփական կրթության պատասխանատուները, պետք է կարողանան դնել համապատասխան նպատակներ ու հասնել դրանց, պետք է ի վիճակի լինեն արժևորել իրենց տեղն ու դերը հասարակության մեջ և կատարել այն գործառույթները, որ հասարակությունն իր հերթին կակնկալի նրանցից:

Ժողովրդավարական հասարակության քաղաքացիներ կրթելու այս և մի շարք այլ նպատակների հասնելու տեսանկյունից անգերազանցելի է պատմության կրթական նշանակությունը:

Պատմությունը , իր մեջ ներառելով գիտելիքների մի շարք կարևորագույն բնագավառներ, օժտված է վիթխարի կրթական ներուժով, քանի որ այն հիմնական առարկան է, որ ձևավորում է մարդու աշխարհայացքը, մտածելակերպը (մենթալիտետ), արժեքային համակարգը, ինչպես նաև վերաբերմունքն իր և այլոց հանդեպ: Պատմության ուսուցումը ապագա քաղաքացուն հնարավորություն կտա իր առջև ծառայած խնդիրների պատասխանը որոնել ոչ թե տարերայնորեն, տեղեկատվական հեղեղի ճնշման ազդեցությամբ , այլ` օգտագործելով այն բոլոր հմտությունները, գիտելիքները և արժեքային մետեցումները, որ նրա սեփականությունն են դառնալու դպրոցական նստարանից:

Հանրակրթության պետական կրթակարգում արտացոլված հիմնարար սկզբունքների և կրթական խնդիրների տեսանկյունից պատմության նկատմամբ ցուցաբերելիք մոտեցումների համար առավել կարևոր են հետևյալ գործոնները:

1. Պատմությունը, հանձին իր կարևորագույն բաղադրիչի` փիլիսոփայության , ունի հազարամյակների պատմություն: Մյուս բաղադրիչները(բարոյագիտություն , գեղագիտություն , իրավագիտություն , տնտեսագիտություն , քաղաքագիտություն և այլն) աստիճանաբար առանձնացել են փիլիսոփայությունից ` ավելի ու ավելի կարևորելով ժամանակակից հասարակության պայմաններում: Տարբեր դարաշրջաններում հզորության են հասել այն քաղաքակրթությունները կամ ժողովուրդները , ովքեր կարողացել են ստեղծել կեսահաստատ փիլիսոփայական համակարգեր : Իսկ ժամանակակից աշխարհի ճգնաժամը հաճախ բացատրվում է այսօրվա իրողություններն ու պահանջները արտացոլող համակողմանի պատմական համակարգերի բացակայությամբ : Փիլիսոփայական մոտեցման շնորհիվ Հին Հունաստանում ստեղծված կրթական համակարգը ` Պայդեյան այսօրվա կրթության ժողովրդավարական կրթության ջատագովները համարում են չափանիշ , քանի որ Պայդեյայի կրթական համակարգում դրվում է կրթության հիմքերի որոնման, կիթության միջոցով մարդու ինքնաստեղծման ու ինքնակատարելագործման խնդիրը : Վաղուց արդեն գիտակցված իրողություն է, որ ժողովրդավարական հաստատությունների կառուցվածքն ու օրենքները կարող

են լինել շատ լավը, սակայն, եթե մարդիկ չունեն կամ չեն ստեղծում «ժողովրդավարական սովորույթներ», ժողովրդավարությունը կմնա լոկ որպես գաղափար: Այդ առումով շատ մեծ է պատմության դասավանդման նշանակությունը, քանի որ այստեղ է, որ սովորողը պետք է իր մեջ ձևավորի արժեքների, մոտեցումների, հմտությունների ու գիտելիքների այն համակարգը, որն իրականություն կդարձնի ժողովրդավարությունը:

2. Պատմությունը որպես հոգևոր մշակույթի կարևորագույն տարր օժտված է անձի համակողմանի ձևավորման, նրա մտավոր, ստեղծագործական և հաղորդակցական կարողությունների զարգացման ահռելի ներուժով: Եթե այլ առարկաները, իրականացնելով իրենց կոնկրետ խնդիրները, հընթացս նաև նպաստում են անձի ձևավորմանը, ապա պատմության հիմնական գործառույթը անձի ստեղծումը և ինքնաստեղծումն է: Պատմության ուսումնասիրումը սովորողներին կօժտի ինքնուրույնությամբ, որի շնորհիվ ուսուցումը ոչ թե կընկալվի որպես պարտադրանք, այլ՝ որպես յուրաքանչյուր մարդու հնարավորությունները մեծացնող գործոն: Սովորողները կհասկանան ինքնախնամքի գաղափարը և կգիտակցեն իրենց պատասխանատվությունն իրենց իսկ առջև որպես մշակութային ինքնարարումի ձգտող էակներ: Պատմության դասավանդման արդյունքներից մեկը կլինի այն, որ անձնային հարթության մեջ մարդիկ կդադարեն թաքնվել հասարակության կամ որևէ խմբի հետևում և կհասկանան իրենց անհատականության զարգացման գործում իրենց իսկ անփոխարինելի դերը:

3. Պատմությունն ամբողջովին և մանավանդ մարդու իրավունքների, քաղաքացիական կրթության, իրավագիտության բաղադրիչների միջոցով կնպաստի ժողովրդավարության հաստատման քաղաքացու ձևավորմանը, ժողովրդավարության հիմնարար արժեքների յուրացմանն ու, այդ ամենի արդյունքում, քաղաքացիական հասարակության ձևավորմանը: Քաղաքացիական կրթության կարևորագույն բաղադրիչ են գենդերային գիտելիքները, որոնք կնպաստեն կյանքի բոլոր բնագավառներում տղամարդկանց և կանանց միջև հավասարությունը խոչընդոտող կարծրատիպերի հաղթահարմանը,

հասարակության մեջ և տաղամարդկանց և կանանց քաղաքական և քաղաքացիական ակտիվության դրական ընկալմանը :

4. Պատմության ամբողջ ուսուցումն արդի հասարակական իրողությունների հրամայական պահանջն է , քանի որ նրա գործնական հետևանքները անչափ կարևոր են նոր հասարակական հարաբերության ձևավորման համար : Գործնական առումով շատ կարևոր է , որ աշակերտները ի վիճակի լինեն նախագծեր իրականացնել , որոնել - գտնել համայնքին հուզող խնդիրները , առաջարկել դրանց լուծման ուղիներ ու հետամուտ լինել այդ ամենին : Գործնականում կարևոր է, որ սովորողների մեջ ձևավորվեն ակտիվ քաղաքացիության դիրքորոշում , իրավունքները պաշտպանելու , ինչպես նաև պատասխանատվություն իրականացնելու կամք ու հմտություն : Հեռանկարում միջնակարգ դպրոցն ավարտող սովորողները պետք է օժտված լինեն իրականությունը ինքնուրույն վերլուծելու , սեփական մոտեցում և գործողություն մշակելու կարողությամբ :

Ժամանակակից աշխարհում չափազանց կարևոր է հասարակական կյանքի օրինաչափությունների մասին գիտելիքներ ունենալը: Այդ գիտելիքների միջոցով մենք կարող ենք հասկանալ ու բացատրել մեզ շրջապատող աշխարհը, կառուցել արտաքին աշխարհի մասին հիմնավոր ներքին պատկերացումները: Հասարակական գործընթացների բազմազանությունը, տարբեր երևույթների մասին առկա տարակարծությունները կարևոր նախապայման են սովորողների մոտ քննադատական և ստեղծագործական մտածողություն զարգացնելու տեսանկյունից: Ժամանակակից աշխարհում էապես մեծացել են մարդկանց միջև առկա աշխարհայացքային տարբերությունները: Այս խնդիրներին դիմակայելու համար կարևոր է , որպեսզի սովորողներն ունենան քննադատական մտածողություն: Վերջինս հնարավորություն է տալիս հասարակական երևույթները դիտարկել տարբեր կողմերից, կշռադատել դրանց դրական և բացասական ասպեկտների մասին և կայացնել հիմնավորված որոշումներ: Հասարակական գործընթացների բազմազանությունը նաև լավ հնարավորություն

է ստեղծում դրսևորելու ոչ ստանդարտ մոտեցումներ և դրանով իսկ զարգացնելու սովորողների ստեղծագործական մտածողությունը:

Այս առարկայի դասավանդման շրջանակում առաջնային է համարվում քաղաքացիական, իրավական, տնտեսական, մշակութային, մեդիա գրագիտության ձևավորումը, որոնք համարվում են բարեկեցիկ հասարակության հենասյուները:

«Պատմություն» առարկայի դասավանդումը հնարավորություն է տալիս սովորել մարդու մտածողության մասին և ձեռքբերած գիտելիքներն ու հմտությունները կիրառել կոնկրետ իրավիճակներում:

Հասարակությունների զարգացման մակարդակը մեծապես կախված է այն բանից, թե ինչպիսի անձնային որակներ ունեն տվյալ հասարակության անդամները, որքանով են առաջնորդվում ամբողջ կյանքի ընթացքում սովորելու պահանջով:

«Պատմություն» առարկայի դասավանդումը մեծ դեր ունի դպրոցի քաղաքացիական կրթության առաքելության իրականացման գործում:

Արժեքների վրա հիմնվող անձնային զարգացումը <<Պատմություն>> առարկայի դասավանդման հիմնական նպատակներից մեկն է:

## **9-րդ դասարան – հայոց պատմություն**

Թեմա - Հայաստանի անկախության գործընթացը

Նպատակը - Անկախության բարդ ճանապարհը և արժևորումը

Դիդակտիկա - քարտեզ , ամսագրեր , պաստառներ

Տեսասահիկը ներկայացնում է դասը ` նկարներով

1990 թ. օգոստոսի 23 - Գերագույն խորհուրդը ընդունեց «Հոչակագիր Հայաստանի անկախության մասին» , որի քաղաքական բաժնում նշվում էր , որ ՀԽՍՀ-ն վերանվանվում է Հայաստանի հանրապետություն

1991 թ. սեպտեմբերի 21 - ՀՀ անկախության հռչակագիրը

1991 թ. հոկտեմբերի 16 – 1-ին նախագահական ընտրություն

թեկնածուներ – Պ. Հայրիկյան , Ս. Սարգսյան , Լևոն Տեր-Պետրոսյան

ԽՍՀՄ փլուզումը - նկարներ ` Լենին , Ստալին , Գորբաչով

Գորբաչովի ծաղրանկարը ` կոտրված մուրճ ու մանգաղ

1991 թ. դեկտեմբերի 8 - Բելովեժսկի համաձայնագիր - Կրավչուկ

Շուշկևիչ

Ելցին

1991 թ. դեկտեմբերի 21 – ԱՊՀ ստեղծում

1995 թ. հուլիսի 5 - Սահմանադրություն , 1-ին հոդված , դրոշ , զինանշան , օրհներգ

1919 թ. - ընդունվում է լեզվի մասին օրենքը , որը հռչակեց հայերենը պետական լեզու

Իշխանության տարանջատում - օրենսդիր

գործադիր

դատական

Սահմանադրության փոփոխությունները – 2005 թ. նոյեմբերին նախագահի լիազորությունները սահմանափակվեցին

Ազգային ժողովը վերածվեց գործադիրի



2015 թ. դեկտեմբերի 6-ին - կիսանախագահական ձևը փոխարինվեց  
խորհրդարանականով

Վարչապետին տրվեց շատ լիազորություններ

ՀՀ մարզային բաժանումը - 10 մարզ + Երևան

Դատական համակարգ - 1992 թ. ստեղծվեցին 1-ին ատյանի

հունիսի 12 – վերաքննիչ

վճռաբեկ , ինչպես նաև սահմանադրական ,  
տնտեսական , վարչական դատարաններ

Հայոց բանակի ստեղծումը

1991 թ . դեկտեմբերի 5 – Պաշտպանության նախագահ Վազգեն Սարգսյան ,  
Արկադի Տեր-Թադևոսյան

1992 թ. հուվարի 28 - <<Զինապարտության մասին օրենք>>

1-ին զիվորական երդումը կառավարությունը ընդունեց <<ՀՀ  
պաշտպանության նախարարության մասին >> պատմական որոշումը:

Իսրայելի վարչապետ Գոլդա Մեյրի խոսքերը ` հզոր պետություն ստեղծելու  
բանաձևը

Բանավեճ - քննարկում

Կաչուն թղթերով ներկայացրին իրենց կարծիքը - համաձայն են ՀՀ-ը լինի անկախ  
, թե մտնի Ռուսաստանի դաշնության կազմի մեջ

Դասն ամփոփվեց բլից հարցումով ` 20 հարց

Պերճ Զեյթունցյանի խոսքերը - Եթե ուզում ես թշնամուդ հաղթել , նրա  
հարևանությամբ ստեղծիր հզոր պետություն

Հ. Սահյան - <<Գարունդ հայերեն է գալու>>

## **Վերջնարդյունքը**

Սովորողների մեջ ձևավորվեց անկախությունը որպես բացարձակ արժեք: Դարեր շարունակ մեր սերունդները պայքարել են միայն դրա համար: Կարևորվեց պետականության դերը, հայրենասիրության և ազգային արժանապատվության դաստիարակման գործում:

Այս թեմայի ընթացքում արժևորվեց այն միտքը, որ պետք է նվիրումով ծառայել Հայաստանին ու հայ ժողովրդին և ազգային պատմության էջերը լրացնել նոր սխրանքներով ու նվաճումներով:

## **Եզրակացություն**

Այսօր աճող սերնդի դաստիարակության գործն ընթանում է տարբեր հանգամանքների ազդեցության ներքո՝ ժողովրդագրական, ազգային, մշակութային, ընտանեկան, կրթական, հասարակական, սոցիալական և այլն: Հաշվի առնելով բազմաթիվ այս և այլ հանգամանքներ՝ ժամանակակից մանկավարժության համար խնդիր է դառնում սովորողների ազգային գիտակցության ձևավորումը սեփական ժողովրդի պատմության ու մշակույթի հենքի վրա՝ չանտեսելով համամարդկային արժեքները: Կրելով վերոնշյալ և այլ հանգամանքների ներգործությունը, ընտրությամբ յուրացնելով դրանց ազդեցությունը՝ աշակերտը հաղորդակցվում է հասարակական մշակույթին և ձևավորվում իբրև ստեղծագործական անհատականություն: Ընդ որում՝ կրթական տարբեր աստիճաններում աշակերտն ունենում է աշխարհի նկատմամբ վերաբերմունքի տարբեր դրսևորումներ և հարաբերություններ: Վերաբերմունքն աշխարհի նկատմամբ և հարաբերությունը աշխարհի հետ, վերաբերմունք սեփական անձի նկատմամբ և հարաբերությունն ինքն իր հետ իրականացվում են հասարակական դաստիարակության համակարգի (ուսումնական հաստատություններ, հասարակական, մանկապատանեկան կառույցներ, և այլ) և տեղեկատվական տեխնոլոգիաների (հեռուստատեսություն, համացանցային լրատվական միջոցներ, մամուլ) միջոցով: Կինոն, թատրոնը, հեռուստատեսությունը, համացանցը

ներգործում են աշակերտի անձի վրա ոչ միայն ինքնին՝ որպես տեղեկատվության աղբյուրներ, այլ նաև որոշակի տիպարների միջոցով, որոնք դրսևորվում են այդ «տեղեկատվական աղբյուրներից հոսող» հերոսների վարքագծում: Աշակերտները, իրենց տարիքային, սեռական և անհատական առանձնահատկություններին համապատասխան, հակված են նույնացնել իրենց այս կամ այն հերոսի հետ՝ յուրացնելով նրանց վարքի ձևերը, ապրելակերպը, հագուստը, կենցաղը, կյանքի ոճը և այլն:

Աշակերտի արժեքների ձևավորման վրա ազդող գործոններից են ավանդական միջոցները, այսինքն՝ աշակերտի մեջ աշխարհի նկատմամբ վերաբերմունքի և հասարակության հետ հարաբերության, սեփական անձի նկատմամբ վերաբերմունքի ձևավորումը ընտանիքի և սոցիալական միջավայրի միջոցով:

Սակայն սովորողների կողմից այդ միջավայրին բնորոշ արժեքների, կանոնների, չափանիշների հայացքների յուրացումը միշտ չէ, որ համապատասխանում է հասարակության կողմից ընդունված արժեքներին և խրախուսելի չափանիշներին:

Ավանդական միջոցների յուրացումը լինում է չգիտակցված՝ վարքի ընդունված կաղապարներն ընդօրինակելու միջոցով: Այս առումով իրավացի է Մ. Մոնտենը. «...Մենք որքան ասես կարող ենք պնդել մերը, սակայն սովորույթն ու համընդհանուր կանոնները մեզ քարշ են տալիս իրենց ետևից»:

Ուսուցման գործընթացում լուծվում են սովորողների կրթական, դաստիարակչական կամ արժեքային և ընդհանուր զարգացման խնդիրները: Դրա համար յուրաքանչյուր դասի դաստիարակչական խնդիրների լուծումը նախատեսում է ոչ թե մեկուսացած կամ առանձին մոտեցում, այլ գիտելիքների ու կարողությունների, արժեքային որակների, կամքի, բնավորության, զգացմունքների, հոգեբանական տարբեր դրսևորումների միաժամանակյա և փոխկապակցված մոտեցում: «Եթե դուք ունակ եք որոշելու երեխայի ունակությունն ու նրա ուժը, դուք պետք է գիտենաք, որ ամենամեծ ուրախությունը՝ դժվարությունների հաղթահարման, նպատակին հասնելու, գաղտնիքի

բացահայտման ուրախությունը հաղթանակի բերկրանքն է ու ինքնուրույն դառնալու, տիրելու ու տիրապետելու երջանկությունը»:

Յուրաքանչյուր դասի ժամանակ ուսուցիչը որոշակի դաստիարակչական խնդիրներ է լուծում՝ հաշվի առնելով տվյալ առարկայի և թեմայի ուսումնասիրման հիմնական խնդիրները, որոնք ներկայացված են առարկայական ծրագրերում: Նա առանձնացնում է ընդհանուր դաստիարակչական խնդիրները, որոնք առանձին աշակերտների մոտ հաճախակի են դրսևորվում: Ուսուցիչը ուսուցման կազմակերպման տարբեր ձևերի ընտրության միջոցով (անհատական, խմբային, էքսկուրսիա, դասողեկական ժամ, արտադասարանական միջոցառումներ և այլն) առավել արդյունավետ է դարձնում աշակերտների արժեհամակարգային դաստիարակչական խնդիրների լուծումը: Օրինակ՝ խմբային աշխատանքի ժամանակ աշակերտները սովորում են ուշադրությամբ վերաբերվել միմյանց, միասին հաղթահարել դժվարությունները, միասին ձեռք բերել հաջողություններ, լսել հակադիր կարծիքներ, ընդօրինակել միմյանց և այլն: Հասակակիցների խմբում աշակերտն ավելի ազատ է արտահայտում իր մտքերն ու դատողությունները, գործում է անկաշկանդ, ինչն էլ նպաստում է ուսուցման արդյունավետ կազմակերպմանը: Անհատական աշխատանքում դաստիարակվում է աշակերտների ինտելեկտուալ պատրաստականությունը դժվարությունները հաղթահարելու գործում, ձևավորվում են համառության, ինքնակազմակերպման և ինքնավերահսկման ընդունակություններ: «Հատկապես դեռահասների առանձնահատուկ զգացմունքայնությունը, ինքնասիրությունը, որ հաճախ արտահայտում է նրանց ինքնահաստատման և հասուն երևալու ձգտումը, մանկավարժից պահանջում է անհրաժեշտ նրբանկատություն, հարգանք դեռահասի անձի նկատմամբ»: Ելնելով վերոգրյալից՝ կարող ենք եզրահանգել, որ արժեքային համակարգի ձևավորումը ժամանակակից դպրոցի գերխնդիրն է և մշտապես պետք է լինի մանկավարժների ուշադրության կենտրոնում:

**Առաջարկություն**-Հաշվի առնելով ժամանակակից մարտահրավերները՝ հանրակրթական դպրոցներում կրթության որակը բարձրացնելու նպատակով անհրաժեշտ է միասնական ջանքեր պահանջող գործընթաց : Անհրաժեշտ է կիսառել տարատեսակ գործիքներ , որպեսզի սովորողների մեջ հետաքրքրություն առաջանա ուսման նկատմամբ և սովորողները արդյունավետ ներգրավվեն ուսումնական գործընթացում:

### **Օգտագործված գրականության ցանկ**

1. Բաբանսկի Յու. Կ., Պոբեդանոսցև Գ. Ա., Աշակերտների դաստիարակությանը կոմպլեքսային մոտեցում, Երևան, 1987թ., 112 էջ:
2. Մուդրիկ Ա. Վ., Դպրոցականի անձը և նրա դաստիարակությունը կոլեկտիվում, Երևան, 1986թ., 86 էջ
3. Մուխոմլինսկի Վ. Ա., Սիրտս նվիրում եմ երեխաներին, Երևան, 1977թ., 317 էջ:
4. Ա. Ե. Օլջաննիկովա, Հույզեր և դաստիարակություն, Երևան, 1985թ., 84 էջ:
5. Մարդ և հասարակություն , գիտամեթոդական ամսագիր N 5-6 , 2008 թ. էջ 6-11 :
6. Ուսուցիչների ուսումնական նյութերի փաթեթ